

湘綺樓日記

二五

湘綺樓日記

光緒三十年甲辰

甲辰正月庚辰朔丑正醒呼房媪未起頃之質明喚僮僕不應乃云久已將起似譏余晏朝也待久之梳盥畢乃至輿猶未朝兩女已出入祠行禮還寢受賀啓門待客鄉中例唯子孫及佃戶始賀朔餘皆不至又失考據乃更衣擲骰三師來賀元正夜倦早眠再起開門仍寢

二日晴將軍來遂接見鄰里村翁十許人晡始還內陳佩秋兒來倦未見也夜亦早眠聞雨乃起

三日陰復晴起見陳生因見諸客飯後去又一陳生來市僧也一女客攜女來來歷不明之人皆吾族親始知民庶有族之害堯所不及料

四日陰晴永孫來出見陳生因見楊都司纏擾無已之人不如留之聽差衡山送府信來得兩陳郎書譚道臺程旤樵書譚告妾喪程告丁喪永

孫告易鼎條程及夏子新喪一彈指頃死亡相踵可駭也

五日晨陰朝食後轉風遂雨屋前後均嫁娶擇日未精也永孫去登樓看
新婦遂遇兩市僧作書復譚陳程午食餅甚佳遂飽不復夜餐擲骰至
三更寢星有爛矣今日甲申雨水

六日大晴遣人送劉信及碑志稿去出西岡看種杉見一肩舁停而復起
徑來入門迎視不識其人詢之則君豫長兄元渙字心培者云有筆墨
事相屬出示其父詩及己所撰古詩苑詩苑正與全古文作一配有用
之書搜輯甚勤暢談至夜半留宿中齋曾岳松遣使來求文

七日大晴曾使送錦段袍袿表裏及百金約回頭時取回信晨卽告去寶
老耶來言官事云龐姓亦被告矣地方訟獄繁興承平象也亂又萌矣
與心培暢談漸多鄉語中見雜客族孫輩數班劉力堂來送雞酒

八日晴南風甚熅楊婦母生日房媪請往正合孤意心培欲去不去過午

乃行許虹橋來言其母病因與弟爭論受氣不意輔廷乃至於此竟日
九日陰杉塘三子來振南來六鐵再滿來族中菁華盡此矣劉家信回無
復書蓋其慎也作李子墓志

十日晴三子去劉蘭生來將起義學擇於絨劉未知當用誰尺五女來求
薦宇清爲之也德牙亦有力焉元婦送子迕逆欲其讀書盛舉人鄭三
兒來見辭不敢見盛訴喬耶占田又異聞也彭十被火留之傭工又去
不來蓋均志江西夜出見劉生詢郭五嫂年紀云七十八居姪孫家不
復入城寄銀果禮之

十一日陰筆墨粗畢摸牌擲骰以應年景尺五女請去劉生亦去張星二
來回事劉丁攜妻去張嫗復攜女來移栽樹秧櫻桃唐棣並開山茶亦
放大花春意正穠張生兄偕趙士鵬來呈薦卷正在前山聞爆竹甚鬧
知是劉家報喜還得劉壻書及瑤女書云初五日得一子毛衣抱羣今猶未

辦倉猝坼壽障紅紉與之杜子美所謂天吳顛倒者也房嫗撻婦不守家規性拗難馴且置不問與諸女看月徘徊久之

十二日晴煊劉使去方僮舅父來瑣瑣姻亞真須吾家大耶整家規矣德牙來則家規應有之義又須吾無規者乃始欲整也得功裁書純孫書頗大膽似非庸庸夜月

十三日晴煊寫字半日失紙無數以譚佃送紙充許生原紙書之二胡來憔悴可憐猶說官話國安來言瑞師叱錢可笑可恨令細送來問之鄉龍來

十四日陰純孫來覲以戴醇士臨青谿圖求鑒戴師石谷而無其繁密惠菱舫乃直題爲石師本可訝也張生仲兄來云已入郭營劉傭不還船斥之使去並斥王傭一時俱去鄰團龍來廖丁回

十五日陰晨大雨聞雷二胡徒步去遣追還已通身溼矣摸牌擲骰竟日

夜有朦月

十六日陰晴二胡德牙俱去以一元寶交二胡辦貨竝辦滿月衣物充食者遂無一人留周嫗兒充數至夜又得楊振清與代元兒閨保共四人聊應黃篋篸子之占與書樾樵薦蔡兒學當舖夜月

十七日昨夜大月晨乃聞雷動地大雨驟至春溼漸蒸桃柳均見碧萸登樓玩賞作書答我

十八日陰城中人還云市無好貨銀至九錢餘一千錢猶濫惡穀價愈賤將軍及陳女來夜大風許女來坐半日去

十九日雨有稷雪復寒滋家專人來迎女教習有吳堅山者荷汀子婦不知誰家女也自言爲岳松女聘作監督岳松使回領書信令見之不識也先遣曾使齋志去犒以八元周生來

廿日己亥驚蟄晨有雪風止王黃周丁俱告去陳女亦先去每日霧露神

必來今日暫肅清午間四老少芒芒來言母病欲支三月薪水純孫作保與十姑借銀二定並贈杏仁橘皮恩恩去取諸宮中亦一樂也

廿一日陰雨廣記點畢甚精緻可喜陳國猷來言欲從游初不相識而責望甚深匹夫不獲則曰時予之辜任學家事也楊使復來督催皆人情中幻相可樂之事吾從來不遇今富貴過萬鍾所識窮乏固怨我不識窮乏亦怨我當如何三自反哉陳佩秋兒專足來取回信亦報之以溫語須臾俱去

廿二日陰細雨微陽春寒猶重桃花竟勒不開振湘來亦欲江西則爲佛然以彼求無厭也爲許生題答問

廿三日雨欲刷譜求版未得專足劉坤問之桃李均藥柳楊並綠已食筍矣猶未作銃菜廚人不識時也令剪韭作餅以詒純孫

廿四日大晴滋看羅敷復放紙鳶諸孫均游南塘周生告去遣送莪書陳

生書來幾諫江行夜雨

廿五日雨欲晴已命榜人治行因令諸孫先發並攜資孫同入省午後發周嫗攜婦以從至姜奮遣純孫着懿婦百錢顧轎還往夜泊以待張兄田生許孫許臭劉立堂趙士鵬均來船相看

廿六日陰朝食後發午初到城攜三孫至賓興堂正值電報送南昌信言已派人來迎又得半月前衡信仍請期遣迎蓋非誠也而辭甚懇切余兩可之請蕭文星換銀與朱倬夫閒談怡怡兩孫來楊孫來與同至楊家乘舁還堂取銀錢卽行幹許來船夜雨泊通濟門馬頭

廿七日晨雨待買菜朝食將午乃行大雨僅至鷓尾看花鼓至夜

廿八日仍雨有風晨發午停靳溪買米到城未夕諸孫先上余借釘鞋步上繞從壽星街還家遇郭炎生亦張傘雨行到家功婦出領兩孫女出

見功云發疥疾不良行詢無新事率兩孫樓居

廿九日晴見日朱生釋泉晨見午送鮎心每來必具禮意甚厚也次青仲子積璇來廖蓀咳來卽告李兒求館之意陳家球不知有小題正鵠乃欲以名父子充寫票差可笑也胡壻已辭學堂方謀苜蓿女來留夕食夜去

晦節陰王廖兩令來皆在洋務局云近來一道員張鶴齡主局務兼學務胡氏孫女來更有姻愚姪曹姓來見詢知卽尺五女壻從古稱也得衡書云已來迎麻七郎來言俞少耶癡驕之狀鄧壻來見飭以早歸

二月庚戌朔陰晴午始朝食出看湘孫便詣首府朱前蜀督陳新提調廖湘孫道乏餘俱久談欲詣但糧道昇夫不欲遂還湘孫已來拜見云孫壻入學堂矣詩曰日光光夜光光洗衣白白淨哥哥進學堂日本學堂之讖也六笙來回拜久談窳女送餅留共對啖客食倍主俱爲致飽云將詣葵園公集要往爲客余請爲主際夜昇往觀虞語山譚公子汪孔

兩翰林均在二更散湘孫已去窠女尙留摸牌不覺三更催令早去登樓卽寢買牡丹二株

二日雨龔季蕃知縣來病猶未愈顏生罈來夏午詒自桂陽來留居客房陳孝廉國祥來孫壻兄也其父舊識先耀忘其字人亦開展將定祭禮刻入家譜前稿已失稍損益之呼船人令還假以卅元

三日陰晴晨見日楊樹穀來竟日無客慧孫生日設湯餅窠女回摸牌見熊嫗與午詒略談便至雞鳴

四日陰晴周郢生來路漈可行出看心田答訪黃士艾少海兒海翁孫也云已有噉飯處還朝食出看但少翁因過劉葉唐薦王升去刷譜紙貴且緩之一梧來云佳日可游將與桂撫買屋遣黃孫看吳堅山乃至楊姬處而還復令資孫出游亦怱怱還

五日大晴甲寅春分劉葉唐但少翁鄔師席沅生洋和尙來將午始得朝

食午詒告去送至撫署殷默存來午詒仍還云輪撥已去無便船也蜀
四生招飲步至種福源陳祠園道遇王生云當詣府龔顏二生爲主人
廖子材後至徐次鶴語山繼至成散窻女尙未歸留更摸牌夜飯後與
午詒談京華舊事三更寢

六日晴晨起送午詒已去胡子夷來談曉滄兒來求書與梁海盜前得黃
芷琴信亦求提愛因竝及之並送禮記黃海孫來胡獨留飯出城上

冢資孫與兩孫並從將采水芘不得余遂先歸鄧生國華坐待垂垂老
矣思桂陽事爲一惘然喫麪去陳爲鑾來笠雲來云陳杏生已歸同往
看之遂定開福齋會還要陳但兩公並與書雨恬約之片與沅生告以
不閒又告王莘田

莘田
來談

夜薦姪女壻夜答鄧萬林

七日晴雨恬送鴨酒楂餅且告不閒齋戒謝客凡來者皆不見房嫗來則
不能不見窻女亦還助祭夜要胡壻肄儀外孫亦能入班可喜也

八日丁巳祠祭 禰廟晨起待事趙次公闖入延至客坐久談尙未羹定
頻上樓休惕將午乃行事洋繙譯中烟榮來訪令胡墀陪之且令觀禮
事畢已晡未朝食卽往開福待客濛濛細雨蓬蓬遠春至則客尙未至
與六休久談竝看倭人冊葉書法殊勝宋明人有六朝筆勢蓀咳來乃
至舫齋劉希陶孫亦至但少翁陳鹿翁杏生繼至設二席並邀洋和尙
酉初始散還城已夕竟日未稻食夜始飯

朱子元 鄧伯騰夜來
王莘田來均劉訟案 衡船來

迎得譚程書

九日陰煊兩綿猶熱答訪次青兒次山公見其子七郎字介卿云報捐試
令方學公事談及張小浦鶴林云正在府卽往後堂暢談葉揆初亦在

脫襖乃不汗便過鹽道朱督銷席張藩顏府王祭酒孫知州

孫未見亦
不知何許

人也云
山東人 到家已夕馮星槎來王芍棠來陳墀來告當往山東丁果臣孫

恆相來鏡芙兩兒來得電報云江西船已到縣相候王莘田交長沙銀

票屈負劉銀余再請託乃得直

十日陰楊棠來陳耒之兒來云江華典史迴避開缺光景萬難且言花樓家事黃文彤求調優差王佩初又往會試張楚秋爲會總宜可會元矣張小浦來看余論兵篇題陳鹿笙圖冊者陳欲得雷壇碑記揚本余所未見二鄧郎來王鏡芙道香僧來爲洋和尚作序竟未能成乃下樓摸牌少村來催步往新楂周菱生劉定夫陳六笙繼至鵠羹甚佳縱談亦樂夜微雨昇還

十一日陰陳爲鑾戴王生來戴言訟事鄧南驤來言往江西事周生示王撫條呈方欲有言余不暇顧入內齋摸牌周菱生來朱喬生請酒劉定夫來屬刪四六且約朱家西集正欲小愒忽憶倭人約幾乎失信昇至里仁巷倭公社大屋寂無人中田榮字含澤儼然在焉言有友欲從余學方言有教無類又疑忘讎讎者無時可通婉詞謝之欲得余書則諾

與之復過廣盈廳訪馮星槎不遇仍還夕赴乾升棧已無知其門者可
歎也鹿翁譚兒先在劉定夫陳杏生後至二更散

十二日陰蕭希魯來兼約朱稗泉來談方朝食余未飯客去後方欲作字
乃無可錄示倭人者彼求教益不可以鞞悅示之也遂下樓召窻女還
飯二盃晡後出門正遇徐甥未遑下舁令其夜來便至松生家其嗣子
設齋招笠道兩僧及余小集杏生爲主未夕散步至自新所答小亭不
遇還雨徐甥送臘菜余云不求館則可送求館爲貧貧者不以肉魚爲
禮且令持去三更雷電余方甘寢

十三日晨雨治裝將行先令移花已而雨止大晴令兩孫從嫗先上船衡
州遣迎紅船也劉定夫約飲過午不催余不能待遂舁下船雲開見日
過門問訊客畢集矣陳但兩叟外有一白須後輩廣東官話以意測之
必賴子佩永裕也待席郎酒半乃至散未夕卽登船和伯先至功兒來

迎令去攜一嫗二僕二傭以行夜泊南門夜月

十四日晴無風纜篙上水夜至縣城入賓興堂唯見蕭某小坐上船馮甲

來未上

十五日晴朝食後移船入漣口已過午矣到姜畚答訪張兄適已下磴遂

不上岸投魚報雞夜至湖口登岸步還月色昏暗兩孫從行家人俱未

寢云周傭昨先報也較牌兩莊

宜孫睡起來見

遂寢

十六日陰有雨遣迎和翁以家忌未同食胡年姪譚教官兒從縣追至求

提愛和伯急欲看地冒雨同往舁夫未集更呼零工未數里即告飢困

過雲湖橋至張莊看一處形勢遠秀穴場太小更進至魯家壩日欲暮

雨勢更濃還至麻園衣履盡溼到家索食不異轎夫一夜風雨殊未成

膠遣僮下縣辦祭振湘來看周梅生

十七日陰雨檢日記尋丁挽聯未得寫冊葉六紙並書禮箋送倭學生與

書夏撫告未能行片致曾介石退李銀票夜大雨國孫來請通山穀十
三石半

十八日晨雨未止待飯後發行李上衡幹將軍來帶厭楊振清亦帶厭遣
令回城江使欲從令隨船上請和伯先登舟余待至午舁夫不還乃步
攜兩孫宜孫請送輿兒與張子持步從至山徑逢舁來乃免泥行上船
卽發乘流迅疾到涓口乃暮留和伯住一宿月霜甚盛

十九日晴寒食龍忌在冬至後百五非爲介子也并俗禁煙自是三月後
皆混爲一事晨送和伯至君豫兄家遣力挑擔俄頃已還云有人送擔
卽刻開船南風送暖午後夾衣課讀稍認真資孫已全荒矣夜宿小米
港漉口下十里

廿日己巳清明節牡丹猶未花芥荃已遲水芑未發唯躑躅遍山昭冷灘
上最盛南風行遲日僅卅里資孫讀孟子畢授以爾雅令鈔殊不知眉

目知爾雅非蠓蠅學堂所有也夜泊四竹站

廿一日陰有雨得望風快行卅里未夕泊油麻田晚晴

廿二日大晴南風動地竭蹶上磯停六七刻風勢愈盛又行二里泊黃田
熱不可衣舟終夜蕩簸三更大風驟雨飛電濃雲一船俱起余亦戒其
容止正襟危坐俄頃乃定

廿三日陰有北風行過雷石風息天晴仍轉南風夜泊寒林站

廿四日晴微得順風至夕至衡州府城衣冠舁至程家道署皆不遇遇張
李兩幕客略坐還船兩程生並至適有小雨卽促令去得陳六翁請託
書

廿五日陰晨出訪蓬守以爲未起乃竟延入暢談還船舫樵復來卽留共
飯同至安記寫對聯賀傳臚母生日因往看戲十四人公祝設三席看
李三已肥壯矣裝猶似女看三曲纏頭不知數三更乃散午著單衫猶